



Broj: 02-04-1526/23-AP-5  
Dana, 26.06.2023.godine.

Na osnovu člana 39. Statuta Općine Zavidovići ("Službeni glasnik općine Zavidovići" broj: 5/08 i 5-a/08) i člana 5. Kriterija za utvrđivanje raspodjele sredstava na Tekućem transferu za podršku projektima udruženja – nevladinom sektoru u Budžetu Grada Zavidovići u 2023.godini, broj: 02-04-1526/23-3 od 26.06.2023.godine, Gradonačelnik Zavidovići raspisuje:

### JAVNI POZIV

za raspodjelu sredstava na Tekućem transferu za podršku projektima udruženja – nevladinom sektoru u Budžetu Grada Zavidovići za 2023.godinu

#### I

Pravo učešća u Javnom pozivu za raspodjelu sredstava na Transferu za podršku projektima udruženja – nevladinom sektoru u 2023.godini imaju udruženja građana – nevladine organizacije koje su registrovane i imaju sjedište na području grada Zavidovići.

#### II

Sredstva planirana na Transferu za podršku udruženjima-nevladinim organizacijama u visini od 3.500,00 KM bit će korištena za sufinansiranje projekata nevladinih organizacija u oblastima: poboljšanja i unaprjeđivanja socio-ekonomskog i društvenog statusa djece, mladih i žena, ekologije (osim edukacije), unaprijeđenja stepena ljudskih prava i tolerancije, razvoja turizma kroz projekte promocije i očuvanja prirodne i kulturne baštine u skladu sa potrebama, tradicijom i interesima lokalne zajednice.

#### III

Udruženja-nevladine organizacije imaju pravo apliciranja samo sa jednim projektom na raspisani Javni poziv.

Za odabir projekata utvrđen je Sistem bodovanja. Maksimalni broj bodova je 100, a minimalni 70 da bi projekat bio uvršten u raspodjelu sredstava. Sredstva će se dodjeljivati proporcionalno broju osvojenih bodova imajući u vidu broj prihvaćenih projekata.

#### IV

Projekti sa kojima subjekti iz tačke I ovog Javnog poziva apliciraju trebaju biti dostavljeni na aplikacionim obrascima pripremljenim za ovu namjenu, a isti se mogu preuzeti na web stranici Grada Zavidovići.

Ukoliko su subjekti iz tačke I Javnog poziva bili korisnici budžetskih sredstava Grada Zavidovići za podršku projektima udruženja-nevladinom sektoru u 2022. godini, obavezni su priložiti izvještaj o namjenskom utrošku sredstava.

Projekti moraju biti potpisani od strane odgovorne osobe i sa pečatom udruženja.

Uz projekat se dostavljaju: Original ili ovjerena kopija izvoda iz Registra udruženja, ne starije od godinu dana i kopija Rješenje Ministarstvu za pravosuđe i upravu ZE-DO kantona ili drugih nadležnih organa u BiH o registraciji, te kopije: Uvjerenja o poreskoj registraciji (identifikacioni broj), Ugovora s bankom o otvaranju transakcijskog računa i Bilansa stanja na dan 31.12.2022.godine.

V

Javni poziv ostaje otvoren 20 dana od dana objavljivanja na Oglasnoj ploči i Web stranici Grada.

VI

Prijave sa navedenom dokumentacijom po Javnom pozivu dostavljati na adresu: Grad Zavidovići, Služba za upravu društvenih djelatnosti, pitanja boraca i opću upravu, Ulica Mehmed-paše Sokolovića br. 9 72 220 Zavidovići, putem Pisarnice Grada ili poštom.

PO OVLAŠTENJU GRADONAČELNIKA  
broj: 02-45-9/22-AP-41 od 22.04.2022. godine  
SEKRETAR GRADSKOG ORGANA  
DRŽAVNE SLUŽBE  
Nermin Čahtarević, dipl. pravnik

Obradio: Muamer Hrvic, prof.  
Kontrolisao: Idriz Alihodžić, prof.

